

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تجدید محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

محاکمات مقدماتی

محکمه تمیز استدعا دائره سندن تنظیم واعطا

قتلان اعلامدر :

دکترلی سنجانی بدایت محکمه سی ایله غربی
قره آغاج قضاسی بدایت محکمه سی جزا دائره لرندن
لاحق اولان قرارلرک یکدیگرینه مابین اولمسنندن
طولانی تعیین مرجع دعوی طلبی مستدعی لواء
مذکور مدعی عمومی معاونلکی طرفندن ویریلان
۱۳ کانون اول سنه ۳۲۱ تاریخی استدعایه و متفرقاتی
باش مدعی عمومیک مأموریت بهیه سنک ۱۵ شباط
سنه ۳۲۳ تاریخی تبلیغنامه سی ایله محکمه تمیز استدعا
دائره سنه تودیع اولمغله قرائت و مطالعه اولندی .

اوراق مرقومه مألرینه نظراً منلا عمرک اشیا
و حبوباتی سرقت ایلدیکی ادعاسیله مظنون علیه اولان
قایداری اوغلی عثمانک التی ماه مدته حبسنه دائره غیاباً
ویریلان قرار علیه اعطا اولنان اعتراض علی الحکم
عریضالتک ردیه حکم اولک تصدیقه دائره ویریلان
حکمک استینافاً اولبابده جریان ایدن تدقیقاتده
استیناف استدعاسی مدت اعتراض ظرفده اعطا
ایلدیکی اکلاشلیمغله مذکور استیناف استدعاسی
اعتراض استدعاسی مقامنه قائم اولمق و دعوی واقعه
محلده اعتراضاً فصل ورؤیت ایدلمک اوزره اوراقک
بدایت محکمه سنه ارساله قرار ویرلمش و بدایت
محکمه سنجه دخی دعوی مذکوره اعتراضاً دخی
رؤیت ایدلمش اولدینی جهته تکرار اعتراضاً رؤیتی
غیر جائز کورلیدیکندن استینافاً تدقیقی ضمننده تکرار
لزوم اعاده سنه قرار ویرلمش و شو صورتله بدایت
و استیناف محکمه لری مقرراتی بیننده حاصل اولان
اختلافک تعیین مرجع صورتیه فصلی محکمه تمیزه عائد
بولنمش اولدیغندن بحثله مقتضای قانونینسک ایفاسی بیان
واستدعا و مارالذکر تبلیغنامه ده دخی دعوانک استینافاً
تدقیقی ضمننده ویریلان استدعایه مک اعتراض
استدعاسی مقامنده اولمق اوزره قبولیه محاکمه
اجراسی ضمننده اوراقک بدایت محکمه سنه اعاده سی

مخالف قانون کورلمش اولدیغندن ذکر اولنان دکترلی
بدایت محکمه سندن استینافاً ویریلان قرارک نقضی
لازم کله جکی انبا اولمشدر .

ایجابی لدی المذاکره بدایت قراری مقررات
قطعیه دن بولمغله محکمه استینافیه جه اعلام ابتدائی
فسخ ایدلدیکی تقدیرده اصول محاکمات جزائیه قانوننک
یوز طقسان یدنجی ماده سی موجبجه اساس دعوی
بالرؤیه کوردیکی نواقصی کندوسی اکل ایلک لازم
کلور ایکن محکمه بدایت حواله کیفیت ایدلمسی منافی
قانون اولدیغندن اصول محاکمات جزائیه قانوننک
درتیوز اون سکرنجی ماده سی حکمنه توفیقاً محکمه
استینافیه جه بروجه محرر ایفای معامله اولمق اوزره
اوراق مرقومه نک محلنه اعاده سنه ۲۵ شباط سنه ۳۲۱
تاریخده متفقاً قرار ویرلیدی .

امینی قتل ایتدیکی ادعا اولمسنندن دولایی جنایتله
اتهام اولنان اسماعیلک اون بش سنه مدته کورکه
قونلسنه دائره ارطغرل سنجانی بدایت محکمه سی جزا
دائره سندن ویریلان ۱۸۱ نومرولی اعلام

حاجی حیدر زوج سی عایشه نک طوار آغیلینک
قیوسی قیره رق بالدخول چوبان مصطفای ضرب
و جرح ایدرک معامله جبر و شدت اجراسیله اون
رأس قیوتی سرقت ایتدکری ادعا اولمسنندن دولایی
جنایتله اتهام اولنان کور عیسانک اوچ سنه مدته
کورکه قونلسنه دائره قیرشهری سنجانی بدایت
محکمه سی جزا دائره سندن ویریلان اعلام

احمد اوغلی اسماعیلی قتل ایتدیکی ادعا اولمسنندن
دولایی جنایتله اتهام اولنان احمدک اون بش سنه
مدته کورکه قونلسنه دائره یوزغاد سنجانی بدایت
محکمه سی جزا دائره سندن ویریلان ۳۷ نومرولی
اعلام

دده اوغلی محمد چاوش ورفقاسنک اثنای راهده
اوکترینه چیقه رق معامله جبر و شدت اجراسیله نفود
واشیالرینی اخذ و غصب ایتدکری ادعا اولمسنندن
دولایی جنایتله اتهام اولنان تحسین و عثمان و طوپال

عمر و علونک التیشر سنه مدته کورکه قونلرینه دائره
آقره ولایتی استیناف محکمه سی جزا دائره سندن
ویریلان ۲۸ نومرولی اعلام

حاجی یوسف محله لی چالقی حسن اوغلی
عبداللهی قتل قصدیه جرح ایتدیکی ادعا اولمسنندن
دولایی جنایتله اتهام اولنان احمد چاوشک اوچ سنه
مدته کورکه قونلسنه دائره چوروم سنجانی بدایت
محکمه سی جزا دائره سندن ویریلان ۷۴ نومرولی
اعلام

اسماعیل بن ابراهیمی قتل و برادرلری عزیز
وموسی و تیموره قتل قصدیه سلاح انداخت ایتدکری
ادعا اولمسنندن دولایی جنایتله اتهام اولنان رمضانک
اون بش سنه و رابوش وقاسم واسماعیل و دیگر
رمضان و علی و محمدک دخی اوچر سنه مدته کورکه
قونلرینه دائره ایلحصان سنجانی بدایت محکمه سی
جزا دائره سندن ویریلان ۱ نومرولی اعلام

آندونی قتل ایتدیکی ادعا اولمسنندن دولایی
جنایتله اتهام اولنان سرکزک اون بش سنه مدته
کورکه قونلسنه دائره سیواس ولایتی استیناف محکمه سی
جزا دائره سندن ویریلان ۲۷۶ نومرولی اعلام

اشرف اوغلی مددک معامله جبر و شدت اجراسیله
حیوان و اشیاسنی سرقت ایتدکری ادعا اولمسنندن
دولایی جنایتله اتهام اولنان محمد و علی و ولی و دیگر
علینک اوچر سنه مدته کورکه قونلرینه دائره توقاد
سنجانی بدایت محکمه سی جزا دائره سندن ایکنجی
دفعه اوله رق ویریلان ۱۶۳ نومرولی اعلام

انشته اوغلی محمدی قتل قصدیه جرح ایتدیکی
ادعا اولمسنندن دولایی جنایتله اتهام اولنان کاظمک
اوچر سنه مدته کورکه قونلسنه دائره توقاد سنجانی
بدایت محکمه سی جزا دائره سندن ویریلان ۱۵۲
نومرولی اعلام

قره جه آغاج قریه لی بچاقسز اوغلی عمری جرح
و قتل ایتدکری ادعا اولمسنندن دولایی جنایتله اتهام
اولنان فورطنه اوغلی حسینک اوچر سنه مدته کورکه
قونلسنه ووهی اوغلی حسینک اوچر سنه حبسیله بش

سنة ضبطیه نظارتی آئنده بولندیرلسنه ووانکل و یوسفک ایکیشر ماه حبسلیرینه واحداوغلی حسینکده برائته دائر توفاد سنجائی بدایت محکمه سی جزا دائرہسندن ویریلان ۱۰۵۲ نومرولی اعلام خانجی وبقال خرسستو نیقولیه قتل قصدیه سلاح انداخت ایتدیکی ادعا اولمئسندن دولای جنایتله اتهام اولتان رفعتک اوج سنه مدتلہ کورکه قولنسنه دائر مناستر ولاتی استیناف محکمه سی جزا دائرہسندن ایکنجی دفعه اولهرق ویریلان ۷۷ نومرولی اعلام محکمه تمیز جزا دائرہسنجه تصدیق قلمشدر .

—409—

۶۴۳ نومرولی نسخده مندرج درسعادت جنایت محکمه سی اعلامک مابعدی :

مدعی عمومیک مقامندن معطی شود بوصلهسندہ اسماییی محرر اولوب دعوت واقعیه اتباعاً ورود ایتدکری خبر ویریلان شاهدلر یکان یکان حضور محکمه یه چیقاریلهرق لدی السؤل طرفینه قرابت ومناسبت وخصوصتاری اولدینقی سولیلرله اصولی دائرہسندہ تحلیفلری بعد الاجرا منفرداً ومواجهه استماع اولندقلرنده بولنردن قاسم پاشاده سیوری قوز محلهسندہ برخانهده متصرفاً مقم اولوب کسیرلده قزغانلیق ایتدیکی سولیلان قرق اوج یاشنده ولی محمد بن حسین وقعه کیجه سی ساعت بریق رادهلرنده مدعی شخصی محمد ایله میخانهده عشرت ایتکدهلر ایکن متهم مصطفی قیودن هایدی کیمه جکیمسکر دیسیله قالقوب کیمکدهلر ایکن متهم ایله مدعی شخصی ایلی کری سوزده بولندقلرندن عیسدر دیرک مرقومانی آپریش وبلا آخره متهم مصطفانک کندولرندن مفارقت ایتدیکی حالده کندولرنک بالقی آلق اوزره کیمش اولدقلری عارفک دکانندن مدعی شخصی ایله چقدینقی صرده متهم مصطفی تکرار ورود ایدهرک ومدعی شخصی محمدی بره باتیرهرق منازعه یه باشلامسیله عارف ایله کندوسی آدیه کیروب تألیف بین ایدهرک ومتهمی صاوهرق مدعی ایله برلکده مصطفانک قهوه خانهسنة کلوب اوطوردقلری ائنده بودفعه دخی کلش اولان متهم مرقوم کندوسنه برقهوه اصدارلامسنی بیان وکندوسیده راحت طورمدینقی جواباً درمیان ایلکده مدعی شخصی محمدی بالارانه بوخرکله ایچون می سولیلورسک دیسی ومحمد دخی سنسک دیو مقابلهده بولنسی اوزرینه متهم مصطفی صالدرمه سی کشیده ایله محمد صاوورمسسیله برای محافظه اوزامش اولان محمدک الیک بش بارمغنی جرح وبربارمغنی دخی قطع ایلدیکی ومتهمک دخی صالدرمه سی آوب قاجدینقی

کوردیکی افاده مضبوطه استطاقیهسنة مطابق صورته اخبار وعند الاستیضاح متهمک مقدا جرح ایتش اولدینقی ترسانه مستخدمینندن بری حقتده علینه شهادت ایتسندن ناشی کندوسنه خصومت بسا دیکی وبوسبیدن کندوسی جریحه دار ایلدیکی مدعی شخصیدن ایتدیکی ومتهمک اثنای وقعهده اولدره جکم کسه جکم کی برسوزده بولندینقی طویوب انجیق اطاله لسانده بولندینقی وحقتده شهادت ایلدیکی شخص حضور محکمهده کی متهم مصطفی اولدینقی علاوه تذکار ایلدی :

قاسم پاشاده زنجیری قیوده الی نومرولی دکانده بقالق ایدن بکری ایک یاشنده سولریل بنایوب ولد شوخاری دخی برکیجه دکانسندہ اوطورمقده ایکن برکولرانی ایشتمکله باقدینغده قهوه چی مصطفانک دکانی اوکسندہ متهم مصطفی ایله مدعی شخصینک منازعه ایتکده اولدینقی ومدینک قاجسنی معقب متهمک کشیده ایلدیکی بیاق ایله مدینک آرقهسندن یتشهرک اوردینقی وبعده فرار ایلدیکی کوردیکی افاده مضبوطه استطاقیهسنة مطابق صورته بیان وعندالسؤل مجروح محمد آرقه قیوه چی صندالیسیله متهمک تهاجته قارشو طومش وبوصرده النندن مجروح اولمش ایدوکنی ومتهمک محمدی جرح ایلکدن صوکره تکرار اورمغه تشبث ایتدیکی اولدره جکم کی سوزنی ایتدیکی ومدعی شخصی محمدده بیاق وسائر آلت قاطعه کورمدیکی وشهادتی حضور محکمهده کی متهم مصطفی حقتده اولدینقی علاوه آیان ایلدی .

شهود مستمعنک شهاداتی ختامه ایردیکه ذات وشهادتیرینه قارشو نه دیه جکی متهمدن صورلدقده سکوتی اختیار ایلدی .

حقوق عمومیه شهودندن قهوه چی مصطفی افدی ایله پولیس احمد افدی یه جلبنامه تبلیغ ایلدیکی حالده کلدکری اکلاشمغله مطالعه سی صوریلان معاون مومی الیهک طلی موجبجه کندولرندن برر مجیدی جزای نقدی برای اخذاحضاراً جلبلرینه قرار وبرلش وجانب ریاستدن دخی بعض کسانک اظهار حقه مدار اولق اوزره جلبلری تسبب قلمش اولغله اکل محاکمه نیک یوم آخره تعلیق ایلدیکی طرفینه بالتفهیم تشرین اولک اوتوز برنجی چهارشنبه کونی متهم مرقوم علی الاصول توقیفخانه دن کتوردیلهرک وکیل ومعاون مومی الیهما حاضر اولدقلری حالده محاکمه صالونه چیقلدی .

مدعی شخصی بوکون ایچون محاکمهده حاضر بولنه جغه دائر اعضا ویردیکی حالده ورود ایتدیکنندن

معاون مومی الیهک طلی وجهله مدعی شخصی مرقومک غایبده اجرای محاکمه قرارگیر اولهرق محاکمه علینیه مداومت اولندی .

کچن محاکمهده ورود ایتدکری جهتلہ کندولرندن برر مجیدی جزای نقدی اخذیه احضارلرینه قرار ویرلش اولان حقوق عمومیه شهودندن مقدا قاسم پاشاده درت قیو موقعنده والیوم پاپاس کورپلی مرکزنده مستخدم ۲۷ نومرویو مفید ومرقم پولیس نفری اوتوز یاشنده نوشهرلی احمد افدی ابن احمد ایله قاسم پاشاده زنجیری قیوده قرق بش نومرولی دکانده قهوه جیک ایدن اوتوزالقی یاشنده اضرروملی مصطفی افدی ابن حسنک ورود ایتدکری خبر ویرلکله حضور محکمه یه چیقاریلهرق لدی السؤل طرفینه قرابت ومناسبت وخصوصتاری اولدینقی سولیلرله اصولی دائرہسندہ تحلیفلری بعد الاجرا منفرداً ومواجهه استماع اولندقلرنده بولنردن پولیس احمد افدی کندوسی نقطه بکلمکده ایکن ایتدیکی کورانی اوزرینه باقدینغده منازعه ایتکده اولان متهم مصطفانک حامل اولدینقی بیاقی چکوب طویبک محمد حواله ایتکده ومرقوم محمد بیاقی قارشولق ایچون الی اوزالتقده متهم طرفندن بیاق ایله محمدک اله اورمقده اولدینقی کورمسيله موقع وقعه یه شتاب ایتش ايسده متهم مصطفی فرار ایتش ودرت بارمغندن مجروح بولنش وبربارمغیده دوشمش اولان مدعی شخصی محمدی برای تدای اجزاخلایه کوتومش اولدینقی ومجروح محمدده بیخاغه متعلق برشی کورمدیکی کی متهم مصطفاده یاره موجود اولوب اولدینک دخی فرقدده اولدینقی وبرهفته صوکره مصطفانک دردست ایلدیکی مضبوط افاده استطاقیهسنة مطابق صورته حکایه ایلدی . کچن محاکمهده کلامسک اسبابی شاهد مومی الیهدن صورلدقده کندوسنه جلبنامه تبلیغ ایلدیکی بیان ایتسیله ویک اوغلی متصرفلغندن معامله تبلیغیه سی اجرا اولدینغدن بختله مقدا اعاده اولتان جلب مذکره سنک پارچهسندکی موضوع احمد امضاسنک شاهد مومی الیهک استطاقیه سی زیرینه موضوع امضایه غیره مطابق ایدوکی لدی التدقیق کورلدیکندن مذکره مجوئه نیک ذهولا برشقهسنة تبلیغ قلمش ایدوکی اکلاشمغله معاون مومی الیهک طلی وجهله محکوم اولدینقی جزای تقدیدن عفوینه قرار ویریلهرک اکلا دلدی .

(مابعدی کله جک نسخه یه)

—410—

قارلو ایله استاورینک مضاربه ایلکری ثابت اوله مدینغدن برائته رزمینک سرسربلیکی اکلاشیه مدینغدن برائته

سلیان افدینک محله آرهسندہ سلاح آتدینقی ثابت اوله مدینغدن برائته قوزمه نیک سلاح آتدینقی ثابت اوله مدینغدن برائته

اجرای مأموریت حالسده بولندقلری صرده پولیس مأمورلرینه تحقیر آمیز معاملهده بولتان مغیردن ایکی آلتون جزای نقدی آئسنه یورکینک نام آخره محرر پساپورطی استعمال ایلدیکی تبین ایتکله الی ماه مدتلہ حبسنه ماری یی ضرب ایلدیکی تبین ایدن واسیلک اون کون مدتلہ حبسنه

اون ایکی کیلو یوزالمش غرام توتون قاجیردینی تبین ایدن عایشه خاتمدن ربی عدلیه وزنهسنة عائد اولق اوزره درتیوز طقسان غروش جزای نقدی استیفاسنه

یورکینی جرح ایدن آرتینک ایکی ماه مدتلہ حبسنه یورکیه اطاله لسانده بولتان محمد علی افدیندن یارم لیرا جزای نقدی آئسنه اوزرنده سلاح طاشیدینقی تبین ایدن عبده اغادن بش بشلک جزای نقدی آئسنه

طناشی ضرب ایلدیکی تبین ایدن بیرامدن بر آلتون آلهرق مرقوم طناشه اعطاسنه اوزرنده فشنک ظهور ایتدیکی تبین ایدن احمددن ایکی بشلک جزای نقدی آئسنه

قویاطس نام شخصی ضرب وجرح ایلکری ثبوت بولان محمد سعید ودیکر محمد ایله عبدالکریمک برره ماه مدتلہ حبسلیرله مرقوموندن برر آلتون آلتوب مضروب مرقومه اعطاسنه

التینک جامنی قیردینقی تبین ایدن یورکیندن اون بشلک جزای نقدی آئسنه عثمانی ضرب وجرح ایدن حاجی سلیمندن بر آلتون آلتوب مضروب اعطاسنه

قوپرنیکک سلاح طاشیدینقی ثابت اولدینغدن بش بشلک جزای نقدی آئسنه

خرستونک آورامی ضرب ایتدیکی ثابت اولدینغدن اون کون مدتلہ حبسنه

حسینک خلاف تنیه سلاح طاشیدینقی ثابت اولدینغدن بش بشلک جزای نقدی آئسنه

ابراهیم بن علینک برکارچینسک پاره چانطه سی سرقت ایتدیکی ثابت اولدینغدن اوج ماه مدتلہ حبسنه وختام مدت جزائیهسندہ ضابطه کفالته ربطته

عایشه خانمہ حرف اندازلقی ایتدیکی تبین ایدن حسن فہمی افدینک یکرمی بش کون مدتلہ حبسنه نصوحی افدینک خانهسندن اشیا سرقت ایلدیکی اقراریه تبین ایدن عایشه خانمک اوج ماه مدتلہ حبسنه وختام مدت جزائیهسندہ ضابطه کفالته ربطته آپوستولی ضرب وجرح ایدن قهوه چی چراغی حاجی احمدک اون کون مدتلہ حبسنه آپوستولک ساعتی سرقت ایدن نجیب چوجنک صغر سنی حسیلہ بالکفاله اویتنه تسلیمه بک اوغلی بدایت محکمه سی جزا دائرہسنجه قرار ویرلشدر .

مجازات ایتدیا هیته

حمیدیه قضاسی ناجی وبدایت محکمه سی رئیس محمد رفعت ومحکمه مذکورہ اعضاسندن مستطلق خلیل ومستطلق معاونی عثمان نعیم افدیلرک موادمعینده خلاف اصول وقانون معاملاتہ جرأتلری قسطمونی وطربزون ولایتلری عدلیه مفتشلکندن وارد اولان اوراق تحقیقه محتویانندن مستبان اولسنه مبنی مستطلق معاونی مومی الیه عثمان نعیم افدی حقتده توجیداً تعقیبات اجرا اولنقی اوزره رئیس ومستطلق مومی الیهانک محاکمه آلتنه آلتلرینه عدلیه نظارت جلیلهسنجه مأذونیت ویریلهرک محله تبلیغات مقتضیه اجرا ورئیس مومی الیهک کیفیت محاکمهسندن طرف عالی مشیختنهایده معلومات اعطا ایدلشدر .

دوزجه قضاسی بدایت محکمه سی مستطلق اعضادن مجد الدین ومعاونی جواد افدیلرک مواد معینده وظیفه مأموریتلری سوء استعمال ایلکری قسطمونی ولاتی استیناف محکمه سی مدعی عمومیلکندن وارد اولان اوراق تحقیقه محتویانندن اکلاشمسنة مبنی معاون مومی الیه حقتده توجیداً تعقیبات اجرا اولنقی اوزره مستطلق مجد الدین افدینک بالغزل محاکمه آلتنه آئسنه عدلیه نظارت جلیلهسندن مأذونیت ویریلهرک مذکور مدعی عمومیلک تبلیغات مقتضیه ایفا قلمشدر .

اعلانات

برنجی تجارت محکمهسندہ :

یونان دولتی تبعهسندن وتجاردن اطناش دیوبولونک اولجه رومانیا نیک بکرش شهرنده استرانه پوچلور محلهسندہ ۱۲۵ نومرولی خانهده اقامت ایتکدهلر ایکن شمذبکی اقامتگاهلرینک مجهول ایدوکی خبر ویریلان

تبعه دولت علیه دن وقوندره چی اصنافندن استباط اسقارولم ایله زوجہ سی خریسانطی اسقارولم قادین ذمتلرنده برقطعه امره محرر سند موجبجه آله جنی بولتان اوتوز آلتی عدد لیرای عثمانی یکرمی ساتیمک تحصیل حقتده محکمه تجارت برنجی مجلسنده اقامه ایلدیکی دعوانک اجرای محاکمه سی ایچون اشبو اوجیوز یکرمی اوج سنه سی کانون تانیسنک اوتوز برنجی پنجشنبه کوندن اعتباراً هیئت محکمه نیک ایلک اجتماعنده مرقومان استباط اسقارولم ایله خریسانطی قادینک ساعت آلتی رادهلرنده محکمه مزبورده حاضر بولملری ویاخود مصدق سندله بروکیل کوندرملری لازمکله جکی وشاید کزلر ویا وکیل کوندرملر ايسه دیکر طرفک وقوع بولاجق طلی اوزرینه مرقومان حقلرنده معامله غیاییه اجراقلنه جنی معلوم اولق اوزره تنظیم اولانان دعویه ورقه سی اصول محاکمه تجارت نظامنامه سنک بکرمجی ماده سنک دردنجی فقرهسنة توفیقاً علی الاصول محکمه نیک دیوانخانهسنة تعلیق قلدینقی کی اوراق حوادث واسطه سیله ده اعلان اولتور .

—411—

تجارت محکمهسندہ :

استانبولده دقرا نیان خانسندہ ۱۴ نومرولی اوطهده ساکن ایکن تجارت بحریه محکمهسندن افلاسنه حکم اولنش اولان مانیفاطوره تیارندن ب . ارسلان افدی ذمتده آله جنفی اثبات ویا موقفاً قبول وقید ایتدیرمش اولان آله جقورلرک قانوننامه تجارتک ۲۱۱ نجی وآنی ولی ایدن ماده سی موجبجه مفلس طرفندن تکلیف اولنه جق قوتقوردا تونک مذاکره سی ایچون [۱۵ کانون ثانی سنه ۳۳۳] تاریخنه مصادف صالی کونی محکمه مذکورہ نیک مصالح افلاسیه رؤیته مخصوص اوطهسنة کلری اعلان اولتور .

~~~~~

درسعادنده محمود پاشاده دکاننده مقیم تحفیه تجارتیه مشتغل فوکیون موطاقیدیسک ۸ کانون ثانی سنه ۳۳۳ تاریخندن اعتباراً اعلان افلاسنه ومصالح افلاسنه نیک رؤیت وتسویه سی ضمتنده اعضای محکمه دن سعادتو ابراهیم بکک ژروقوقمیسر ودعوی وکیللرندن عثمان طلعت بکک موقت سندیک تعینلرینه ومغازه سیله اشایی زانده بیتسینک تمهیرینه واوراق ودفاترینک جنبه وکفالت مصدقه ارانه ایدهمدیکی تقدیرده حبس وتوقیفه وبویاده کی قرارک موقفاً اجراسنه تجارت بحریه محکمهسنجه قرار ویرلش اولدینغدن قانوننامه تجارتک ۱۷۰ نجی ماده سی موجبجه دائمی سندیکلر



انتخاب اولنقى اوزره اشو ۳۲۳ سنهسى كانون نائيسنك يكرى اوچنچى چهارشنبه كونى ساعت يدى راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

استانبولده قاشقجىلرده ۲۷ نومرولى دكانده ساكن ايكن تجارت بحريه محكمه سندن افلاسنه حكم اولنش اولان توتونچى وتبا كوجى على اغانك خصوصات افلاسيه سنك رؤيت وتسويه سى ضمتنه دعوى وكيلرندن عثمان طلعت بك اصالة سنديك تعيين قلمش اولديغندن مفلس مرقوم ذمتنه آله جنى اولانلرك قانونامه تجارتك ۱۹۹ و ۲۰۰ نجى ماده لرى موجب تحقيق ديون ايچون تاريخ اعلاندى اعتباراً يكرى بر كون طرفنده سنداتى محكمه كاتنه تسليم ايللىرى ومدت مذكوره ختامندن صوكره اوچ كونده يعنى ۳۲۳ سنهسى كانون نائيسنك يكرى سكرنجى بازارايرتسى يكرى طقوزنجى صالى واوتوزنجى چهارشنبه كونلى تجارت بحريه محكمه سنك مصالح افلاسيه رؤيته مخصوص اوطه سنه كلرك سنديك افدى مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدة ميان آله جقلىر حقتنه قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

غلطه ده موخانه ده ۶۷ نومرولى اجزاده پوسنك متصرفلى ايكن تجارت بحريه محكمه سندن افلاسنه حكم اولنش اولان ديمترى واماويل اركيرى شركتلك خصوصات افلاسيه سنك رؤيت وتسويه سى ضمتنه دعوى وكيلرندن آينه جى اوغلى خرمه لبوس وطناش يوركى ادى افديلىر اصالة سنديك تعيين قلمش اولدقلىرندن مفلس مرقوم ذمتنه آله جنى اولانلرك قانونامه تجارتك ۱۹۹ و ۲۰۰ نجى ماده لرى موجب تحقيق ديون ايچون تاريخ اعلاندى اعتباراً يكرى بر كون طرفنده سنداتى محكمه كاتنه تسليم ايللىرى ومدت مذكوره ختامندن صوكره اوچ كونده يعنى ۳۲۳ سنهسى كانون نائيسنك يكرى سكرنجى بازارايرتسى يكرى طقوزنجى صالى واوتوزنجى چهارشنبه كونلى تجارت بحريه محكمه سنك مصالح افلاسيه رؤيته مخصوص اوطه سنه كلرك سنديك افديلىر مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدة ميان آله جقلىر حقتنه قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

### ايكنجى تجارت محكمه سنده :

حطب قپوسنده كراسته جيلرده ۴۱۰ نومرولى دكانده ساكن ايكن ايكنجى تجارت محكمه سندن افلاسنه حكم اولنش اولان كراسته جى انسى امانويلدينك خصوصات افلاسيه سنك رؤيت وتسويه سى ضمتنه دعوى وكيلرندن واسيلاكي زخارياديس افدى اصالة سنديك تعيين قلمش اولديغندن مفلس مرقوم ذمتنه آله جنى اولانلرك قانونامه تجارتك ۱۹۹ و ۲۰۰ نجى ماده لرى موجب تحقيق ديون ايچون تاريخ اعلاندى اعتباراً يكرى بر كون طرفنده سنداتى محكمه كاتنه تسليم ايللىرى ومدت مذكوره ختامندن صوكره اوچ كونده يعنى ۳۲۳ سنهسى كانون نائيسنك يكرى طقوزنجى صالى واوتوزنجى چهارشنبه واوتوز برنجى پنجشنبه كونلى ايكنجى تجارت محكمه سنك مصالح افلاسيه معاملاته مخصوص اوطه سنه كلرك سنديك افديلىر مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدة ميان آله جقلىر حقتنه قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

### در سعادت اعلا مات نظامه اجرا دائره سنده :

حاجى سليمان افدينك عايشه صديقه خاتم ذمتنه كى آله جغه مقابل مرهون وفروختى محكوم بولنان كوچك مصطفى پاشاده قره باش محله سنده يكي قپو جاده سنده چشمه زقاغنده كائن آلتى نومرولو برباب خانه نك اخيراً انقضى هدم ايدلسى جهته دروننده بر اوطه سى ايله بر مخزنى حاوى تخميناً اوچيوز سكر آرشون مقدارى عرصه سنك اوچ ربع حصه سنك تاريخ اعلاندى اعتباراً اون بش كون صوكره بالمزايده فروخته تشبث اولنه جنى در سعادت اعلا مات نظامه اجرا دائره سندن اعلان اولنور .

### يانيه تجارت محكمه سنده :

يانيه ولايتى مركز تجارت محكمه سندن افلاسنه حكم اولنش اولان سوزينه زير قريه لى تبعه دولت عليه دن امانويل فوته چو اوغلى يوركينك خصوصات افلاسيه سنك رؤيت وتسويه سى ضمتنه دعوى وكيلرندن يناكى قوطولا وتجارندن قسطه ولاخو ويوركى غوله جى افديلىر اصالة سنديك تعيين قلمش اولدقلىرندن مفلس مرقوم ذمتنه آله جنى اولانلرك قانونامه تجارتك ۱۹۹ و ۲۰۰ نجى ماده لرى موجب تحقيق ديون ايچون تاريخ اعلاندى اعتباراً يكرى بر

كون طرفنده سنداتى محكمه كاتنه تسليم ايللىرى ومدت مذكوره ختامندن صوكره اوچ كونده يعنى بهر جمعه وجمعه ايرتسى و بازارايرتسى كونلى مرقومك معاملات افلاسيه ايچون تخصيص قلنان كندى مغازه سنه كلرك سنديك افديلىر مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدة ميان آله جقلىر حقتنه قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

### مدلوله بيات محكمه سى اجرا دائره سنده :

صارليجه لى بقال ني قوله ولد ياني صوه وامر سوده نك صارليجه لى استراتى ولد صوه قتيقه ذمتنه با اعلام محكوم به آله جقلىرى بولنان مبالغ معلومه نك تأمين استيفاسى ضمتنه صارليجه قريه سنك قورى چشمه موقعنده متصرف اولدينى واوتوز آلتى نومرولى بر قطعه زيتونلكى محجوز اولوب تاريخ اعلاندى اون بش كون صوكره مزايده سنه تشبث اولنه جقندن طالبلرينك مدلى سنجاغى بدايت محكمه سى اجرا دائره سنه مراجعت ايللىرى اعلان اولنور .

دعوى وكيلى آپوستول قاباقه افدينك مدلوله مقيم ديمترى ديسيدى زوجه سى اللى بنت فوطينو غرمان ذمتنه با اعلام محكوم به آله جنى بولنان مبالغ معلومه نك تأمين استيفاسى ضمتنه اليقانه قريه سنك چندىروز موقعنده متصرف اولدينى اوچ نومرولى زيتونلكى نصف حصه سى محجوز اولوب تاريخ اعلاندى اون بش كون صوكره مزايده سنه تشبث اولنه جقندن طالبلرينك مدلى سنجاغى بدايت محكمه سى اجرا دائره سنه مراجعت ايللىرى اعلان اولنور .

پيلغونى قريه سندن قسطنطى ولد آپوستول قراو بارينك پيلغونى قريه لى يوركى آپوستول اسقوپليت ذمتنه با اعلام محكوم به آله جقندن طولاني محجوز پيلغونى قريه سنده قرق سكر واوتوز اوچ نومرولى زيتونلكى بىك بشر يوز وقرق بر نومرولى زيتونلكى ايكي بىك ويوز قرق نومرولى ياغخانه سى ايكي بىك غرو شده اجرا قلنان مزايده سنده طالبى عهده سنده تقرر ايدرك موقت قرارداد سى كشيد قلمغاله تاريخ اعلاندى اعتباراً اوچ بر كون طرفنده يوزده بش ضم ايله طالبلرينك مدلى سنجاغى بدايت محكمه سى اجرا دائره سنه مراجعت ايللىرى اعلان اولنور .